

山東兗州府天主堂
Cath. Mission for the N. of Shantung

M. H.
06242
222


淺近初等小學課本卷五

宋德剛

第一課

每日領主

某校學生讀書甚勤。守規亦謹。每屆主日。必領聖體。其師謂之曰。爾曹既熱心愛主。何不每日領聖體。而僅於主日乎。學生對曰。我等愚魯。不會預備。故不敢



3 2173 5830 2

耳。師曰。要緊之預備。有二。一須無大罪。二須有正意。其他預備。勉力而已。天主亦知我等之軟弱也。何必過慮乎。且聖體正所以扶我之不及處。諸生聞之。甚喜。自此日日領聖體。

✿ 第二課

孝敬父母

某日師謂諸生曰。人在世除恭敬天主以外。第一要務。即是孝敬父母也。汝輩當慎之。凡父母所命。萬不可違。父母有事。當服其勞。聖經記載。耶穌自聖殿歸。十八年間。順聽聖母聖若瑟之命。未嘗或違。耶穌係造物天主。本不應聽人之命。其所以如此行者。正與吾人立表樣。

耳。吾儕當效之。如此。則生前可得天主
之降福。死後可得天主之永賞。

✿ 第三課

古聖若瑟傳

雅各伯生有十二子。若瑟其一也。自幼
孝順謙沖。父甚愛之。惟諸兄嫉妬異甚。
年十六被賣於厄日多商人。商人復賣

於大將軍布地法勒布。授以家政。總理事務。有條有序。其後因主母陷害。下之獄。二年後。爲法勞國王解夢故。拜爲宰相。時年三十矣。雅各伯聞若瑟富貴。加以本地。連年荒旱。乃遷居焉。雅各伯卒後。若瑟事諸兄如父。在時。毫不記仇。壽至一百十歲。而薨。

❀ 第四課

梅瑟傳

梅瑟如德亞國人也。生於厄日多國。三
月後。爲法勞公主養子。年四十。出亡外
國。荏苒數十年。天主命救如德亞百姓。
出厄日多。遷回福地。初王不許。天主罰
以十難。王不得已。許之。梅瑟率領百姓

六十餘萬。過紅海。走沙漠。途中飢不得食。天主育以瑪納。渴不得飲。天主命出清泉。行至西乃山。天主頒十誡以勸百姓。追行至第四十年。天主示以死期。乃登納玻山。無疾而終。

✻ 第五課

達味王傳

達味者。乃如德亞之聖王也。幼時牧羊
爲業。其兄三人。皆入營伍。一日奉父命。
入營探兄。見斐理斯定營內。突出一異
人。名郭里亞得。對陣辱罵。達味心抱不
平。因請撒烏爾王命。以石子擊倒異人。
復以刀斬之。自是斐理斯定人。不敢藐
視如德亞矣。及撒烏爾王崩。乃登王位。

在位四十年。敬主愛民。無微不至。駕崩後。通國舉哀。如喪考妣云。

❀ 第六課

撒羅滿王傳

達味子撒羅滿。乃空前絕後之智王也。蓋其嗣位之初。即仰求上主。賜以智慧。上主許之。一日有二婦叩閭。爭奪一子。

此婦曰。此係我子。彼婦曰。此係我子。人莫辨孰真孰僞。王命刑役取刀來。將子剖分。各取一半。僞母聽之。贊成王意。真母聽之。則惶恐。急曰。祈王勿剖。願讓於彼。王即知真僞矣。即此一端。足徵王之智慧。超群出衆矣。其他大而天地。小而魚虫。源源本本。無不洞悉。故凡讚人之

智慧。則比於撒羅滿云。

❀ 第七課

多俾亞傳

多俾亞。本撒瑪里亞人。年未弱冠。失怙恃。然無少年習氣。事事遵父母遺訓。謹言慎行。施貧濟困。後因國敗。人民被擄。多俾亞一家三口。僑居尼尼物城。仍行

善事。不失常度。故其德名大著。朝野咸聞。及舊王崩。新主無道。虐待俘民。任情殺戮。不許掩埋。多俾亞陰行葬埋。不分晝夜。一日復出葬埋。回時乏困。力不能支。遂僵臥簷下。適燕糞墜落日中。因而成瞽。自是家業。日益凋零。遂成窶人矣。

❀ 第八課

續

某日。忽憶舊友加伯落。曾借去紋銀十錠。使其子往索。天神辣發厄爾。扮作一少年。與之偕行。及至弟各里河岸。小多俾亞赴河洗足。猛見大魚來吞。天神曰。勿怖。可擊其腮。提之出岸。復將魚腹剖開。取出肝膽。謹包藏之。將及辣城。投宿辣跪爾家。因而娶辣跪爾女爲妻。及天

神代其討賵後。一同歸家。既至。即將魚
膽擦父目。瞽目復明。戚友咸來相慶。老
多俾亞自五十六歲失明。至六十復見
天日。壽至一百有二歲。乃卒。

❀第九課

聖若伯傳

若伯。乃亞巴郎五代孫也。爲人正直無

私。誠厚忠樸。敬主愛人。廻出倫輩。生有
七子三女。家資巨富。天主欲試其德。許
魔鬼苦害之。某日適長子誕辰。子女歡
聚一堂。忽狂風吹來。如天崩地裂。將堂
屋吹倒。子女均壓斃。牛羊馬匹。被仇人
搶掠罄盡。未幾。身生毒瘡。臭穢難堪。終
日起臥糞坑中。而若伯忍之耐之。未嘗

出怨言。天主視其信德不爽。痊其瘡。瘻。精神復原。富饒更甚於前。復生七子三女。至見四代子孫而終。

✿ 第十課

四大先知

依撒依亞。日里彌亞。厄則濟亞。大尼厄爾。乃古教之四大先知也。依撒依亞。預

言大半皆救世主降生救贖之事。並痛斥如德亞國君臣無道。惡王瑪納。齎命以木鋸鋸之。致命而死。日里彌亞預言如德亞國因辜恩。將被滅亡之慘。如德亞人恨之。以石擊死。巴魯克繼其未盡之意。故二人爲一大先知。厄則濟亞預言如德亞人將被擄於巴比鸞之慘痛。

亦致命而死。大尼厄爾預言將來新教成立之事蹟。終身未娶。誠古教之大聖也。

❀ 第十一課

開門七事

古書云。早晨起來七件事。柴米油鹽醬醋茶。謂普通人家。每日所不可缺者也。

若我塞北。本係荒涼之地。富者稀少。窮者居多。米麪不缺。則謂之小康矣。至調料。除鹽以外。其他有之。固佳。無之。亦可將就。然鹹菜者。爲佐食米麪之要品也。他如辣椒。葱蒜。茼菜。蘿菔等。尤爲此方人所嗜好。

❀ 第十二課

天神魔鬼

天主造世之前。首造天神。其數目之多。人莫能算。有名路濟弗爾者。見己光美異常。乃起驕傲。以爲可同天主媲美也。同時附和者有三分之一。天主立造地獄。命彌厄爾大神。驅之下獄。永遠受苦。自此卽變爲魔鬼矣。天主造人。正爲

補叛神之缺。吾人可不稱主其恩。而守其誠命也乎。

❀ 第十三課

器皿

日用碗碟。皆以瓷製之。其法以瓷土和水。置之於模。入窰燒之。乃成坯。坯粗而不澤。敷之以釉。重燒之。始光澤可愛。其

彩繪者。先以彩色繪山水花鳥於坯。而後敷之以釉。

苦寒之地。兼用瓦器。如瓦盆瓦罐等。以其賤而易買也。製法與製瓷相仿。惟用膠泥成之。

近日更出新奇。以瓷土鍍薄鐵上。燒成各種器具。如壺甌鍋釜等。靡不齊全。且

耐久不碎。誠奇製也。

❀ 第十四課

聖母領報

如德亞國。有一大德士。名若雅敬。其妻曰亞納。夫婦二人。年老無嗣。苦求上主。上主賜之一女。名瑪利亞。自幼矢志守貞。年三歲。入女院。自是功德愈進。年十

五。按古教規。配於若瑟。名雖爲夫妻。却守貞如兄妹。甫逾四月。天神嘉彼厄爾來報。將爲天主之母。瑪利亞聞之懼。曰。我已發願守貞。何能生子。天神曰。因天主聖神全能。與童貞無碍。瑪利亞曰。願承天主聖意焉。於是天主聖子。自天降孕於聖母胎中。

❀ 第十五課

耶穌聖誕

聖母受孕既九月。會羅瑪總王。下令國中。凡民徙于他方者。宜返故里。報姓名。造冊籍。用知民數。若瑟本白稜人氏。故當返白稜。乃携聖母就道。及至。無人肯納。不得已。投宿城外山峒。夜方半。耶穌

降生焉。聖母以襁褓裹之。置於馬槽。天神空中奏樂。以表歡慶。牧童若干輩。徹夜守羊。天神告曰。眞主降誕矣。盍往觀之。牧童往。果見如所聞。敬拜而去。

❀ 第十六課

三王來朝

古有先知名巴郎者。預言眞主降生。天

必現一異星以示之。迨耶穌降生。果出一異星。如德亞東。有三國王。精通天文。且明歷史。見異星出。即知真主降生矣。乃隨星來朝。抵如京。入見國王。問新主何在。王愕然。不知所答。召諸學士詢之。方知所在。三王出京。異星引至山峒而止。三王覲見耶穌。貢上黃金乳香沒藥。

三禮。盤桓數日。乃返故國。

✿ 第十七課

耶穌受洗

耶穌年至三十。欲傳教救人。先詣若爾當河。會若翰在此。勸人悔過。以水洗人。用表革新之意。耶穌亦欲受洗。若翰辭曰。我當受爾洗。奈何敢洗爾。耶穌曰。勿

却如此方可盡全義也。若翰辭不獲已。乃與之洗。洗畢。天門大啟。聖神借白鴿形。飛降耶穌頂。天主聖父。自空中發聲曰。此我鍾愛之子。快我意者。無何。形聲皆杳。論者。此時耶穌即立聖洗聖事矣。

✿ 第十八課

變水爲酒

加納城。有新婚者。邀耶穌赴席。聖母先往。既而耶穌與諸徒亦往。席間乏酒。聖母曰。酒罄矣。耶穌乃命注水六罈。舉手祝福。頃刻間。水成美酒。執席者嘗之。甚奇異。閣座暢飲。此耶穌第一次顯聖蹟也。此次耶穌赴加納。非爲赴席。特爲賦聖寵於新人。使之終身和睦。妥當教養。

兒女。俾婚配成爲聖事也。

❀ 第十九課

葛發翁聖蹟

葛發翁城。有巨紳名若一祿者。生一女。愛若掌珠。年十二。得病危急。徧請名醫。服藥罔效。求治於耶穌。耶穌往焉。行際。家僕來告曰。女已死。不必煩耶穌矣。耶

蘇謂紳曰。子若堅信。死而能復生也。紳曰。吾主我信。及至。舉家哀悲。耶穌曰。女眠耳。旁人竊笑。耶穌乃逆左右。惟留巨紳夫婦。及愛徒三人。携女手曰。命汝速起。女應聲而起。行走如初。事聞闔城。莫不讚揚者。

❀ 第二十課

降福嬰孩

耶穌講道時。有多人携其嬰孩。到耶穌前。請舉手加額。祝福嬰孩。宗徒恐有失敬。阻之。耶穌曰。不可。容孩近我。我實告汝。人若弗變爲孩童。不克入天國。蓋天國之設。正爲忠厚清潔之人也。語畢。一一撫之。乃遣之去。由此觀之。耶穌愛孩

童若斯。爾小生。自宜謹慎。作事勿誑。保身勿污。亦蒙耶穌之降福也。

✿ 第二十一課

五餅一魚聖蹟

一日耶穌率徒至曠野。城中人士聞風追隨者不下五千餘人。耶穌與之講道。聽者忘倦。天已晚。猶未散歸。宗徒請曰。

日已暮。亟宜遣衆。勿使露宿。耶穌曰。非先飲食。恐累於途。宗徒曰。曠野之地。何從得食。適有一童子。携五餅二魚。耶穌命拏來。諭衆坐。祝福魚餅。使宗徒剖分於衆。衆人飽餐後。收其餘。尚盈十二筐焉。非天主全能而能若斯乎。

❀ 第二十二課

眞福八端

耶穌與弟子往山中。四方來者。不知凡幾。疾病負魔者。求治無弗愈。乃宣言於衆曰。神貧者。福人也。以其已得天國矣。良善者。福人也。以其將得安土焉。涕泣者。福人也。以其將受撫慰焉。嗜義如飢渴者。福人也。以其必得飽飫焉。哀矜者。

福人也。以其將受哀憐焉。心淨者福人也。以其將覩天主焉。和睦者福人也。以其將稱爲天主子焉。爲義而被窘難者福人也。爲其已得天國矣。

✿ 第二十三課

辣匝祿復活

辣匝祿病劇。其妹遣人來邀耶穌。越二

日。耶穌始偕宗徒前往。及至。已死四日。殯且葬矣。親朋來弔者。濟濟盈門。瑪達利納哭告曰。倘吾主在此。我兄必不死也。耶穌曰。爾兄行將復活。瑪達利納曰。婢固知天地終窮時。吾兄亦必復活。既而率衆至墓。命啟墓。瑪達利納止之曰。臭矣。臭矣。不必動矣。耶穌責斥之。乃啟。

墳門大呼曰。辣匪祿出。死者應聲。惟手足尙縛。及解脫。同行歸宅。見者咸服耶穌之神力。

❀第二十四課

惡徒賣師

耶穌宣道三年。多行奇蹟。國人向化者。屈不勝數。惟司教長老等。嫉妬異常。欲

陷害而無術。宗徒中有名茹達斯者。素性貪婪。知司教等陰謀。思鬻師以獲賄。乃往告曰。賂我。耶穌可立致焉。若輩大悅。乃相約。拏耶穌。許以三十銀錢。嗚呼。因貪區區小利。竟敢造此大孽。後之人。豈可不引以爲戒乎。

❀ 第二十五課

立聖體及神品聖事

耶穌受難前一夕。晚餐後。先與宗徒洗足。洗畢。乃取麪餅。仰天祝福。剖與諸徒。曰。爾曹食此。此即我體。後又取葡萄酒。祝福如前。而授徒曰。爾曹飲此。此即我血。自後汝曹亦當照式行之。以記憶我。耶穌此夕。立兩件聖事。即聖體神品。耶

蘇言。此即我體我血等語。乃立聖體矣。
汝曹照式行之云云。乃立神品矣。